

Am 3. März 2013

Nein

Olympische Winterspiele Graubünden 2022

Il 3 da mars 2013

Na Gieus olimpics Grischun 2022

Comité Grischun olimpiacritic

10 arguments cunter gieus olimpics d'enviern en il Grischun

1. Entusiassem sulet na basta

L'entusiassem dals fans da sport per la realisaziun da gieus olimpics d'enviern en Svizra è chapibla. Grischunas e Grischuns ston dentant guardar en fatscha a la realitad e patratgar al futur dal chantun. Gia duas giadas han els ditg na a l'urna tar ils siemis olimpics che turnan adina puspe.

2. Empermischuns illusoricas

Alvs, pitschens e duraivels duain ils GOE 2022 a San Murezzan e Tavau esser. Empermischuns carmalantas stattan tar mintga candidatura davant vart, vegnan dentant mai respectadas. Ins na dastga betg emblidar: Gieus olimpics èn ozendi betg mo in'occurrenza sportiva che lia ils pievels, mabain er ina gronda maschina da daners, spezialmain per l'IOC.

3. Memia grond per il Grischun

Gieus pitschens e fins che van a prà cun las cundiziuns grischunas èn betg pussaivels. Il dumber da disciplinas, atlets, persunas da las medias, sponsurs e giasts tar GOE è creschì en continuaziun ils davos onns. Per San Murezzan ha il campinadi mundial da skis (2017) cuntanschì la maximala dimensiun supportabla.

4. Consequenzas economicas na realistics

Las spetgas economicas èn aultas, perquai che l'esperienza mussa: Occurrenzas sportivas han be curts effects economics, a lunga vista èn els marginals. Gieus olimpics na vegnan strusch a render. Er Londra è bain stà top pertutgant il sport, economicamain dentant plitost in flop.

5. Memia char

Il custs èn giganteschs: 2.8 milliardas francs svizzers per l'organisaziun e la realisaziun, 1.5 milliardas per l'infrastructura entaifer paucs onns. Il gudogns incassa l'IOC, ils deficits da 1.3 milliardas francs ston la Confederaziun ed il chantun surpender.

Nein

Olympische Winterspiele Graubünden 2022

6. Memia ristgà: explosiun da custs

Gia per la candidatura èn ils custs augmentads entaifer paucs mais per 166%, da 36 sin 60 milliuns francs. Ils custs definitivs dals GOE vegnin nus a savair pir suenter 2022. En vista ad in' occurrenza paschaivla vegnan gia oz planisads 260 milliuns francs per la segirezza. Quai vegn mai a bastar. A Vancouver 2010 muntavan sulettamain ils custs per la segirezza a 900 milliuns dollars, tschintg giadas tant sco budgetà.

7. Na duraivel

Blers edificis vegnan duvrads mo temporarmain e suenter ils gieus demontads (edificis da ceremonias, il grond trampolin a San Murezzan, la halla da hockey, la gronda halla da cursa da patinas, la halla da curling, il vitg olympic e.a.p.). Traffic, segirezza e alloschament portan il Grischun als cunfins da sias pussaivladads. Ils gieus olimpics n'èn betg duraivels. Visavi al pitschen niz economic a lunga vista stattan ina gronda chargia dals daivets per il maun public e ina impurtanta grevezza ecologica.

8. Intervenziun en natira e cuntrada

Tar il tema ecologia e duraivladad chattain nus en il messadi da 40 paginas da la Regenza grischuna strusch otg lingias, en il studi da realisabladad manca il tema dal tutfatg. Tar in'occurrenza da massas cun enfin 112'000 giasts dal di e in program da construcziun da var 1.5 milliardas francs èn dentant intervenziuns en la natira ed en la cuntrada inevitablas.

9. San Murezzan/Tavua gia conuschents

Suenter 2003 han lieu a San Murezzan 2017 danovamain campiadis mundials da ski e 2013 ils campiadis mundials da bob. Tavau organisescha medemamain onn per onn occurrenzas cun irradiaziun internaziunala, p.ex. il WEF ni il Spengler-Cup (hockey). Ellas èn las destinaziuns da sport d'enviern las pli impurtantas dal Grischun. Da l'effect da propaganda e d'image d'occurrenzas grondas pon il pli fitg profitar destinaziuns pauc conuschentas e turisticamain pauc svilupadas.

10. Il gat en il satg

En cas che San Murezzan/Tavau survegnan l'agiudicaziun l'onn 2015, lur prenda l'IOC en maun il zepter. L'IOC regla cun ils lieus ospitants las cundiziuns da fatschenta per la surdada dals gieus olimpics – enfin il davos detagl. I na dat naginas empermischuns da l'IOC che i na vegn midà pli nagut partenent la basa da decisziuns che vegn proponida al pievel grischun ils 3 da mars 2013.

12.10.2012

Silva Semadeni, Cussegliera naziunala PS/GR,
Presidenta dal comité Grischun olimpiacritic